



K E N D E L S E

23. oktober 2017
Sagsnr. 2017-15644
Dok. Nr. 24367569

”Nanortalimmi iliveqarfiup allineqarnissaa”

Postboks 909
3900 Nuuk
Tlf. (+299) 34 50 00
E-mail: box909@nanoq.gl
www.neqeroorut.gl

Kommune Kujalleq (matuma kingorna maalaarutigineqartoq) 15. maj 2017-imi neqerooruteqartitsinermut allagaqarluni suliassaq pingaarneq: ”Tunuliaritseq 3922 Nanortalimmi iliveqarfiup pioreersup allineqarnissaa” neqerooruteqartitsivigaa.

Tunniussinissamut ”aki appasinnerpaaq” tunngavigineqarpoq.

Entreprenør A (matuma kingorna maalaaruteqartoq) suliffeqarfanni kisiartaalluni suliassamut neqerooruteqartuuvoq.

Sisamangornermi 1. juni 2017-imi suliariumannittussarsiuussisoqarpoq. Allakkatigut 2. juni 2017-imeersukkut maalaaruteqartoq nalunaarfigineqarpoq, sap. ak. 24-p qiteqqunnerani neriorsuummik imaluunniit itigartissuummik inaarutaasumik tigusaqarumaartoq.

Allakkatigut 20. juni 2017-imeersukkut maalaaruteqartoq maalaarutigineqartumit nalunaarfigineqarpoq, suliariumannittussarsiuussinerup inernera Aningaasaqarnermut Ataatsimiititaliamut saqqummiunneqarsimasoq. Allakkami ilaatigut allassimavoq, Aningaasaqarnermut Ataatsimiititaliaq imaattumik aalajangiisimasoq:

”...

neqerooruteqartitsinermut najoqqutassap kalaallisuumut nutserneqarnissaa neqerooruteqaqqittoqarnissaalu ataatsimiititaliap kissaatigaa.

Tamanna tunngavigalugu neqeroorutit tiguneqartut tamarmik itigartinneqarput.
Taamaalilluni 1. juni 2017-imi suliariumannittussarsiuussineq taamaatinneqartutut nalunaarutigineqarpoq.

...”

12. juli 2017-imi maalaaruteqartoq maalaarummik Neqerooruteqartitsinerit pillugit Maalaaruteqartarfimmut tunniussivoq. Maalaarut oqaasiinnaat atorlugit maalaaruteqartarfiup 11. oktober 2017-imi ataatsimiinnerani sularineqarpoq.

Maalaaruteqartarfik imaattumik saqqummiussaqqarpoq:

Maalaarutigineqartup neqerooruteqarnermut inatsit unioqquippaa, taamaattumillu maalaarutigineqartoq maalaaruteqartumut 682.245,60 koruuninik kiisalu suliami aningaasartuutunut akiliinissamut pisussaaffilerneqassaaq.

Maalaarutigineqartoq itigartitsinissamik, imaluunniit pinngitsuutitsinissamik piumasaqarpoq.

Maalaaruteqartup naammassinninnissamut soqutigisanut tunngatillugu annaassani imatut naatsorsorpai:

Neqeroorutigineqartut:	1.483.360,00 kr.
Iluanaarutissat 46 %-iusut:	682.245,60 kr.

Pissutsit suliami pisut

Maalaarutigineqartup siullermeerluni Nanortalimmi iliveqarfiup allineqarnissaa 2016-imi upernaakkut neqerooruteqartitsivigaa. Maalaarutigineqartoq 20. marts 2016-imi katillugit 1.891.400 koruunit nalinginut neqerooruteqarpoq (Ilanngussaq 8). Neqerooruteqartitsineq kommunip akissaqannginnera pequtigalugu taamaatinneqarpoq.

2016-imi ukiakkut maalaarutigineqartup maalaaruteqartoq attaveqarfigaa, aamalu 21. februar 2017-imi sumiiffiup immikkoortuani 1A-mi, suliaassap neqerooruteqartitsivigineqartup sisamararterutaanik annertussusilimmik alliliinissaq isumaqatigiissusiorfigineqarpoq (Ilanngussaq 9). Isumaqatigiissut 450.000,00 koruuninik aningaasartaqarpoq. 23. februar 2017-imi illuatungeriit ukiuunerani suliaassanut atatillugu saniatigut suliaassat saniatigullu atortussat pillugit 120.000,00 koruuninik akigititaasumut tapiliussassatut isumaqatigiissummut tapiliussamik isumaqatigiissuteqarput (Ilanngussaq 10).

Suliaassat isumaqatigiissummut Ilanngussat 9 aamma 10 naapertorlugit suliarineqarput, iliveqarfimmilu alliliinissap sinnera neqerooruteqarnermut allakkiaq 15. maj 2017-imeersoq aqutigalugu suliariumannittussarsiuunneqarpoq (Ilanngussaq 1). Neqerooruteqartitsinermut allakkiami ilaatigut allassimavoq, neqerooruteqartitsinermut najoqqutassat 15. maj 2017-ip kingorna maalaarutigineqartumut inniminnerneqarsinnaasut, aammalu najoqqutassat taamaallaat digitalimik nassiunneqarsinnaasut. Kiisalu tassani allassimavoq, suliariumannittussarsiuussineq 1. juni 2017-imi nal. 14:00 ingerlanneqassasoq, kommunimilu inuk attaveqarfissaq tassaasoq AB.

Neqerooruteqartitsinermi Immikkut Piumasaqaatini (Ilanngussaq 2) ilaatigut imaattumik allassimasoqarpoq:

”...

1.2 Sanaartugassami Tunuliartseq Aqq.-ni Nanortallip illoqarfiani sumiiffiup immikkoortuani D8-mi EtAp95e 1-imi iliveqarfiup allineqarnissaani immikkoortoq siulleq pineqarpoq. Suliassami matumani sumiiffiit 1B-mi, 1C-mi, 1D-mi, biilinuq aqqusinermi, kaajallattarfimmi, pisuinnaat aqqusernanni qaarsumi ujaqqanik annerusunik piiaanissaq, kiisalu ujaqqanik ungalulianik, iliveqarfimmi pioreersumi ungasut ilusaasa sananeqaataasalu assinginik ilioraanissaq ikkussuinissarluk pineqarpoq. Suliassaq katillugit 1100 m²-nik annertussuseqarpoq.

...

2.1 Suliassamut aamma isumaqatigiissusiami SB-milu matumani taaneqartumi ataatsimut piunasaqaatit il.il. atuutsinneqarput

2.2.1 AP95

...”

Neqerooruteqartut allattorsimaffiat nr. 1, 19. maj 2017-imeersoq (Ilanngussaq 3) malillugu maalaaruteqartoq suliassat neqerooruteqartitsivigineqartut suliarinissaannut katillugit 1.483.360,00 koruuninik neqerooruteqarpoq.

Maalaaruteqartup neqeroorutaa suliariumannittussarsiuussinermi imaqarniliamut 1. juni 2017-imeersumut (Ilanngussaq 4) neqeroorutitut kisiartaasutut akerliliiffigineqanngitsutullu ilanngunneqarpoq.

Tamatuma kingorna maalaarutigineqartoq allakkanik marlunnik, eqqartuussutip inernerata matuma aallartinnerani taaneqartunik (Ilanngussaq 5 aamma 6) nassuussivoq. Maalaarutigineqartup sinniisaanit ilisimatitsissutigineqarpoq, neqerooruteqartitsinermik nutaamik ingerlatsisoqassanersoq suli isummerfigineqanngitsaq.

Maalaaruteqartup 2016-imut ukiumoortumik nalunaarusiaani (Ilanngussaq 7) naatsorsuutit inernerinut naatsorsukkani ilaatigut takuneqarsinnaavoq, maalaaruteqartup pissarsiai ilanngaaserneqanngitsut 25.678.528 koruuninik amerlassuseqartut aammalu ukiumut angusat 2.068.902 koruuninik amerlassuseqartut.

Nassuiaatit

Suliap oqaasiinnaat atorlugu suliarineqarnerani *DE* suliamut akuusutut nassuiaateqarpoq:

Maalaaruteqartup 50 %-ia *DE*-mit pigineqarpoq. *FG* 50 %-inut sinneruttunut piginnittuuvoq. *DE-p* Kalaallit Nunaanni innaallagisserisutut sulini 1994-imi aallartippaa. 2016-imi marsimi kommuni suliariumannittussarsiuussivoq, suliassarlu akisuallaarmat taanna taamaatinneqarpoq. Tassani maalaaruteqartoq kisimi suliassamut neqerooruteqarpoq.

Nanortalimmi ilerri inissaarummata kommuni maalaaruteqartumut saaffiginnip-poq. Taamaalinerani nuna qerivoq, taamaattumillu suliassaq ukiumi siusinnerusukkut suliarineqarnissaminut naleqqiulluni akisunerulaalerpoq. Sumiiffik ukiuunerani piareersarneqartoq sumiiffiup siornatigut neqerooruteqartitsivigineqartup sisamararterutaata missaanik annertussuseqarpoq.

Maalaaruteqartoq 2016-imi ukiakkut isumaqatigiissutit piareernerisa kingorna suliassanik aallartitsivoq. Suliaq naammassimmat kommunimut apeqquteqarpoq, aallaqqaammut neqeroorutaasoq naapertorlugu sumiiffik tamakkerlugu naammassisinnaannginnerlugu, atortutik Nanortalimmiimata. Kommunip teknikkimut immikkoortartaqarfianit uterfigeqqinneqarpoq, sumiiffiup sinneranut nutaamik neqerooruteqartitsinissamik kissaateqartoqartoq oqaatigineqarluni.

Nutaamik neqerooruteqartitsisoqaqqippoq, tak. Ilanngussaq 1, tassungalu maalaaruteqartoq neqerooruteqarpoq. Maalaaruteqartup neqeroorutaanut akiusooq neqeroorummi siullermi akiusup assigaa, kisiannili suliat naammassineqartut ilanngaatigineqarlutik. 2017-imi neqeroorummut akigitinneqartoq qaffasinnerulaarpoq, qaartiterinermut il.il. atortunik Qaqortumiit Nanortalimmut asartuisoqartussaammat. 2016-imi atortut Nanortalimmiipput, suliamut allamut atorineqarsimagamik. Taamaattumik 2017-imi upernaakkut aningaasartuutit amerlanerulaartussaapput.

Suliariumannittussarsiuussisoqareernerani Ilanngussaq 6 tiguneqarpoq tassanilu mianersoqqussuteqartoqarpoq. Taakkunanngaanniit Sulisitsisuni inatsisileritooq attaveqarfigineqarpoq, taassumalu taamaatitsineq neqerooruteqartitsinermut najoqqutassanut uniuttoq ilisimatitsissutigaa. Suliassaq kalaallisuunngorlugu neqerooruteqartitsissutigineqarsimagaluarpat, tamanna allaassutaasimassanersoq *DE-p* takusinnaanngilaa. Suliffeqarfiit qaartiterinissamut akuersissummik pigisaqartut tamarmik danskisut oqalussinnaasunik aqutsisoqarput.

Neqeroorummi suliassap akiata 46 %-iinik matussutissaqarnissaa ilanngunneqarsimavoq, taanna Kalaallit Nunaata kujataani matussutissatut nalinginnaasuummat. Ukiulerpoq, ukiuuneranilu sulisinnaanngillat. Ukioq kaajallallugu suliassat qaammatit sisamat-tallimat ingerlanerini suliarineqartussaapput. Ukiuunerani sulisutik suliassaqartinngikkaluarlugit pigiinnartarpaat, taamaanngippammi sulisussat aasaanerani atorfissaqalernerminni pissarsiarineqarsinnaassanngillat. Maalaaruteqartup 2016-imi kaaviiartitaasa 45 mio. koruunit inulaarpaat.

Illuatungeriit tunngavilersuutaat

Maalaarutigineqartup itigartitsinissamut tunngavilersuutaanut tunngatillugu **maalaaruteqartoq** oqarpoq, maalaaruteqartoq inatsisitigut toqqaannartumik soqutigisaqartuusooq, suliffeqarfik neqerooruteqartuummat taamaatitsinermillu nalunaaruteqarfigineqartuulluni. Taamaattumik suliami taamaatitsinissamut tunngavissaqartoqanngilaq.

Maalaaruteqartup taarsiiffigineqarnissamik taperserineqarnissamut tunngavilersuutit oqaatigaa, maalaarutigineqartup maalaaruteqartup piumasaqaatinik naammassinniffiusumik neqerooruteqarneranut akuersinnginnermigut neqerooruteqartarneq pillugu unioqqutikkaa. Taamaattumik maalaarutigineqartoq akisussaaffimmik unioqqutitsilluni iliuuseqarpoq.

Neqerooruteqartitsinermik taamaatitsisinnaaneq killeqartorujussuuvoq. Pisortani oqartussaasut taamungaannaq neqerooruteqartitsisinnaanngillat. Pisortani oqartussaasut "akikinnerpaamik akeqartitsineq" tunngavigalugu neqerooruteqartitsigunik, oqartussaasut akimik akikinnerpaamik akuersinissamut neriorsuuteqarsimassapput. Maalaarutigineqartoq pisussaavoq, neqerooruteqartumut, akikinnerpaamik akeqartitsisumut isumaqatigiissuteqassalluni.

Oqartussaasut taamaallaat neqerooruteqartitsinermik taamaatitsisinnaapput, tamanna tunngavilersugaalluarpat. Ilanngussa 6-imi maalaarutigineqartup tunngavilersuuteqarnermini oqaatigaa, maalaarutigineqartup najoqqutassat kalaallisunngorlugit nutserneqarnissaat tamatumalu kingorna neqerooruteqartitseqqinnissaq kissaatigigaa. Maalaarutigineqartoq danskisut oqaatsit atorlugit neqerooruteqartitsiniarluni aalajangersimavoq, tasanilu imminut pisarivoq. Taamaattumik maalaaruteqartup taamaatitsinera tunngavilersugaalluanngilaq.

Kalaallit Nunaanni sanaartugassalerinermi oqaatsit atorineqartut nalinginnaasut danskisuujuq, tamannalu AP 95-imi allassimavoq.

Maalaarutigineqartup suliassaq ataaseq marloriarluni neqerooruteqarfigitippaa. Pisuni marluusuni taakkunani neqerooruteqartitsineq danskisut ingerlanneqarpoq. Tunngaviumik kalaallisut oqaatsit atorlugit neqerooruteqartitsinissaq toqqarneqarsinnaagaluarpoq, tamannali pissanngitsoq aalajangiunneqarpoq.

Maalaarutigineqartup maalaaruteqarnermi suliap ingerlanerani ilisimatitsisutigaa, neqeroorutip aningaasaliissutinit amerlanerusunik aningaasartaqarnera tunngavigineqartoq. Tamannali allakkami itigartitsissummi tunngavilersuutigin eqarsimangilaq. Kisiannili maalaarutigineqartoq tunngavilersuuterpiaasumit, maalaaruteqartumut ilisimatitsissutigineqartumit allaanerunera pillugu uppernarsaammik pissarsinissamut periarfissaqarluarsimavoq. Maalaarutigineqartoq uppernarsaammik taamaattumik pissarsisimangilaq, tamannalu pissutigalugu

aningaasaqarnermut tunngasut tunngavigineqarpiarnerat uppersarneqanngilaq.

Maalaaruteqartup 2017-imi taamatullu 2016-imi neqerooruteqarnermini akigititai assigiikannerput. Taamaattumik maalaarutigineqartup suliassamut tamarmiutumut akiusoq ilisimareepaa. 2017-imi neqeroorummut akiusoq 2016-imi neqeroorummut naleqqiulluni allaanerularpoq, tamatumunngalu maskiinat nuunneqarnissaat pequtaavoq.

Maalaarutigineqartuq tunngavilersuummut, llanngussaq 6-imi saqqummiunneqartumut pituttorsimavoq. Taamaattumik itigartitsineq atortussaatinneqanngilaq, tamannalu pissutigalugu kommuni akisussaaffimminik tunulliussilluni iliuseqarsimavoq.

Aki appasinnerpaaq tunniussinissamut piumasarineqarpoq. Maalaaruteqartuq naammassiniffiusumik neqerooruteqarpoq, aammalu maalaaruteqartup neqeroorutaa kisimi tiguneqarpoq. Tamanna pissutigalugu suliakkiissut maalaaruteqartumut tunniunneqartussaagaluarpoq.

Niuernermi atugassarititaasunut tunngavissatut 46 %-it naatsorsukkanut ilanngunneqarsimasut nassuiaatigineqarpoq, tamannalu aamma llanngussaq 7-imumut naapertuuppoq. Maalaarutigineqartuq naatsorsukkanut taakkununnga akerliusimangilaq.

Maalaarutigineqartuq inatsisit unioqqutillugit tunngavissaqanngitsumillu aalajangiisimammat maalaaruteqartup suliamut aningaasartuutimi matussusertinnissaannut aammalu maalaaruteqarnermut akiliutip utertinnissaanut pisinnaatitaaffeqarpoq. Aningaasartuutit matussuserneqartussat amerlassusissaat Nunatta Eqqartuussiviani inuinnaat saqitsaannerinut sulianut akigititat nalinginnaasut malillugit aalajangerneqassapput.

Maalaaruteqartup tunngavilersuinerminut tapertassatut ilaatigut allappoq, suliaq isumaqatiginninniartarnermi periaatsinit aqunneqanngitsoq. Maalaaruteqartarfiup aningaasaqarnermut piumasaqarsinnaanermut uppersaatissaqarnersoq nammineerluni isummerfigaa.

Maalaaruteqartup tunngavilersuinerminut tapertassatut allappoq, neqerooruteqartitsisarnermut inatsimmi § 30, imm. 2-mi allassimavoq, maalaaruteqartarfik maalaarummut itigartitsinnaasoq. Maalaarutininik oqartussaasunut qaffasinnerusunut ingerlatitseqqittarnermi ingerlatsinerneq maleruagassat nalinginnaasut atorneqartariaqarput, taakkununngalu ilanngullugu maalaaruteqartarfiup maalaarut itigartissinnaavaa, maalaarut maalaaruteqartumik inatsisitigut soqutiginaateqanngippat, tak. inatsimmi § 29, imm. 1, nr. 1.

Maalaaruteqartoq maalaarummi inatsisitigut naammattumik soqutigisaqartuusi-massanngilaq, suliffeqarfik suliassap neqerooruteqartitsivigineqartup tunniunne-qarnissaanik piumasaqaateqanngimmat. Suliariumannittussarsiuussineq taamaatinneqarsimammatt maalaaruteqartup suliassamik tunineqarsimanera imaluunniit tunngavissanik, maalaaruteqarnermut tunngavigineqartunit allaane-rusunik peqquteqartumik suliariumannittussarsiuussinerup taamaatinneqarsi-manera maalaaruteqartup uppersartussaagaluarpaa.

Neqerooruteqartitsinermik pineqartumik taamaatitsinermut tunngavigineqartoq tassaavoq, neqeroorutip aningaasaliissutitut naleqqiulluni qaffasippallaamik aningaasartaqarnera. Kommuni aqutsinermut inatsimmi maleruagassanik ma-linnittussaavoq, aammalu kommunip naliliinera malillugu aningaasaliissutit ajornartorsiorfiupput. Immaqa kommuni nutaamik neqerooruteqartitsiniarpoq, tamannali suli pisimannngilaq.

Ingerlatsinermut inatsisimmi tunngavissani nalinginnaasuni allassimavoq, tunngavissanik amigaateqarneq ataatsimut isigalugu pingaarutilittut isigine-qanngitsoq. Kukkusumik tunngavilersuisoqarsimanera ajuusaarnarpoq, kisiannili neqeroorutip akisuallaarnera tunngavilersuutaavoq.

Kingusinnerusukkut nutaamik suliariumannittussarsiuussisoqassasoq tama-tumalu peqatigisaanik neqerooruteqartitsinermut najoqqutassat kalaallisut nut-serneqassasut aalajangiunneqassappat, tamanna unammilleqatigiinnermut killi-lersuutitut ersiutaassanngilaq, aammalu soqutiginnittut suliassamut danskisut kalaallisulluunniit neqerooruteqassanerlutik aalajangersinnaassavaat.

Nutaamik neqerooruteqartitsinissamik aalajangiineq amerlanerusut neqerooru-teqarnissaanik kissaateqarneq tunngavigalugu pissaaq.

Nalinginnaasumik neqeroorummik ataasiinnarmik, sanatitsisup akisuallaartutut isumaqarfigisaanik takkuttoqarsimappat, neqerooruteqartitsinermik taamaatitsi-neq tunngavissaqartutut isigineqartariaqarpoq. Suliariumannittussarsiuussinermi maalaarutigineqartumi maalaaruteqartoq aningaasaliissutitut amerlanerunga-at-siartunik akeqartitsilluni neqerooruteqarsimavoq.

Kiisalu oqaatsinut piumasaqaatinik saneqqutsineq taamaallaat pingaaruteqas-sutsimik naliliineq tunngavigalugu akisussaaffimmik tigummiaqartumit kukkune-ruvoq, tak. neqerooruteqartitsisarnermut inatsimmut allannguinnissaq pillugu Inat-sisartut inatsisaanni nr. 4-mi, 15. april 2011-meersumi § 1, nr. 1-imut piareer-saatit. Tassunga oqaaseqaatinut ilaatigut allassimavoq, pissutsit malillugit sa-neqqutsinerit § 1, imm. 6 naapertorlugu akuerineqarsinnaasut suliassami oqaat-sit danskisuujuusinnaanerit ilagigaat.

Maalaaruteqartup pissutsinik, kalaallisut danskisullu oqaatsit atorlugit nutaamik neqerooruteqartitsinnaanermik kinguneqartunik, maanna pissutsit tunngavilugit tunngavissaqanngitsutut oqaatigineqarsinnaasunik taasaqanngilaq.

Maalaaruteqartarfiup aalajangiinera

Neqerooruteqartitsisarnermut inatsimmi § 29, imm. 1-imi allassimavoq, kikkulluunniit qinnuteqartut neqerooruteqartullu maalaaruteqarsinnaatitaasut. Maalaaruteqartoq suliariumannittussarsiuussinermi pineqartumi neqerooruteqarpoq, taamaattumillu maalaaruteqarsinnaatitaalluni. Taamaattumik maalaaruteqartarfiup maalaarutigineqartup inatsisitigut soqutigisaqarnermik amigaateqarneq peqqutigalugu itigartitsinissamut tunngavilersuutaa isumaqatiginngilaa.

Neqerooruteqartitsisarnermut inatsimmi § 24, imm. 1-imi allassimavoq, suliariumannittussarsiuussineq taamaatinneqarpat neqerooruteqartitsisoq tunngavilersuilluni nalunaaruteqartussaasoq. Aalajangersakkamut oqaaseqaatini immikkut ittuni allassimavoq, taamaatitsisoqassappat aatsaat tamatumunnga tunngavissaqarluarnissaq naatsorsuutigineqartoq. Kiisalu immikkut oqaaseqaatini allassimavoq, tunngavilersuut aalajangersimasunut tunngasussaasoq eqqortuusussaasorlu. Aalajangiineq tunngavilersugaq kaammattuinerataqanngitsumik piaarnerpaamillu nalunaarutigineqassaaq.

Maalaarutigineqartup maalaaruteqartumut allakkamini 20. juni 2017-imeersumi (llanngussaq 6) ilisimatitsissutigaa, Aningaasaqarnermut Ataatsimiititaliap neqerooruteqartitsinermi najoqqutassat kalaallisut nutserneqarnissaat neqerooruteqartitseqqinnissarlu kissaatigimmagu suliariumannittussarsiuussineq taamaatinneqartoq. Maalaarutigineqartoq taamaatitsinerup tunngaviusup llanngussaq 6-imi ilisimatitsissutigineqartumit allaaneruneranut uppersaammik qanorluunniit ittumik saqqummiussaqaanngilaq. Maalaarutigineqartoq piaarnerpaamik taamaatitsinermut tunngavilersuummik aalajangersimasumik eqqortumillu saqqummiussinissamut pisussaaffeqarmat, suliariumannittussarsiuussinermik taamaatitsineq maalaarutigineqartup llanngussaq 6-imi ilisimatitsissutigisaanik tunngaveqarsimassasoq Maalaaruteqartarfimmit tunngavigineqarpoq.

Maalaaruteqartarfik isumaqarpoq, neqerooruteqartitsisarnermut inatsit tassungalugu oqaaseqaatit neqerooruteqartitsinermik taamaatitsinissamut tunngavissat pingaaruteqarnerinik tunngavissaqarluarnerinillu paasineqassasut. Kiisalu tunngavissat pissutsinik, neqerooruteqartitsisup neqerooruteqartitsinissani sioqqullugu eqqarsaatigisinnaanngisaanik peqquteqassapput. Maalaarutigineqartup siumoortumik oqaatsit suut atorlugit neqerooruteqartitsinissani aalajangersinnaammagu, Maalaaruteqartarfik isumaqarpoq, neqerooruteqartitsinermut najoqqutassat nutserneqarnissaannik kissaateqarneq neqeroorummik taamaatitsinissamut tunngavilersuutitut atorsinnaanngitsaq.

Maalaarutigineqartup tunngavilersorluagaanngitsumik suliariumannittussarsi-
uussinermik taamaatitsinermi akisussaaffimmik sumiginnaasimasoq Maalaaru-
teqartarfik isumaqarpoq, taamaattumillu maalaaruteqartup taarsiiffigineqarnis-
samik piumasaqaataa taperserpaa.

Maalaaruteqartoq kisimiilluni neqerooruteqartuummat, aammalu maalaaru-
teqartup neqeroorutimini piumasaqaatinik naammassinnissimanninneranut
paasissutissanik saqqummertoqarsimannngimmat, Maalaaruteqartarfik isuma-
qarpoq, maanna tunngaviusut malillugit neqerooruteqartitsinermut maleruagas-
sat unioqqutinneqarsimanngippata maalaaruteqartup isumaqatigiissuteqarfigi-
neqartussaagaluarnera tunngavigineqartariaqartoq. Taamaattumik maalaaru-
teqartoq pissarsiassaraluaminut ilanngaaseriikkanut taarsiiffigineqarnissamut
piumasaqarsinnaavoq.

Maalaaruteqartarfik isumaqarpoq, maalaaruteqartup pissarsiassaralui ilannga-
seriikkat neqerooruteqarnermut akigititaasut 46 %-iinik amerlassuseqarnissaat
uppernarsarneqanngitsaq. Maalaaruteqartarfiup naliliinera malillugu pissarsias-
sat ilanngaaseriikkat taakku suliassamik taamatut ittumik taamatullu annertus-
susilimmik suliaqarnermi pissarsiassanit nalinginnaasunit amerlanerungaatsi-
artut.

Maalaaruteqartarfiup missiliuinermini pissarsiassat annaasat neqerooruteqar-
nermut akigititaasut 15 %-iinut, tassalu 222.504,00 koruuninut aalajangerpai.

Neqerooruteqartitsinermut inatsimmi § 31-mi allassimavoq, maalaaruteqartoq
maalaarummini tamakkiisumik ilaannaasumilluunniit taperserneqarpat, neqeroo-
ruteqartitsisoq suliamut aningaasartuutitut akiliinissamut Maalaaruteqartarfiup
peqqusinnaagaa.

Maalaaruteqartoq, suliap ingerlanerani eqqartuussissuserisumik sinniiseqartoq
maalaaruteqarnermini suliap annersaani taperserneqarpoq. Suliap annertussu-
sia suussusialu, aningaasaqarnermut soqutigisat akuutinneqartut, kiisalu sulia-
mut atatillugu suliat akisussaaffiillu eqqarsaatigalugit maalaaruteqartarfik aala-
jangerpoq, maalaaruteqartoq 10.000 koruuninik suliamut aningaasartuutitut ma-
tussutissatut akiliisinneqassasoq. Aningaasanut moms ilaatinneqanngilaq, suliap
Kalaallit Nunaanni suliarineqarmat.

Kiisalu maalaaruteqartarfik aalajangerpoq, maalaaruteqarnermut akiliut
maalaaruteqartumut utertinneqassasoq.

Tamatuma kingorna aalajangerneqarpoq:

Kommune Kujalleq 222.504,00 koruuninik *Entreprenør A*-mut kiisalu 10.000,00 koruuninik suliamut aningaasartuutunut akiliinissamut pisussaaffilerneqarpoq.

Maalaaruteqarnermut akiliut utertillugu akilerneqassaaq.

Kirsten Thomassen

- - - - -

Allatat eqqortuunerisa uppersarneqarneri.

Suliariumannittussarsiuussinermi maalaarutunut aalajangiisartut,
ulloq 23. oktober 2017.

Janus Køster

Suliariumannittussarsiuussinermi maalaarutunut aalajangiisartunut allatsi